

鳳臺縣志卷之十九

輯錄



宋陳堯佐劄子碑刻在天井關文廟內前書河東轉運使
陳缺劄子奏行書甚工必文惠筆也大意言平治太行
險道以便綱運剝落數字後書大中祥符八年十二月
十四日蓋眞宗乙卯也考文惠本傳不載此劄惟稱其
奏除河東石炭稅減澤州鐵冶課三十萬又奏免毀唐
賢臣墓碑碣以起浮圖勅州縣完護卽此見公之深情
愛古後有重其金石遺跡者或亦有同心也

鳳臺縣志

卷之十九

輯錄

宋琵琶泐磨崖題名記楷書大字多剝落僅存者三十餘

字知澤州諸軍事黃久樂兼缺一符一十缺一柳縣王

缺一暑相缺一遊琵琶泐晉城縣缺一呂大忠四缺一

黃缺一貫備缺一大宋嘉祐七年缺一月缺一日題考

大忠合晉城以陝西安撫韓絳薦提舉永興路時神宗

熙寧三年也嘉祐七年爲仁宗壬寅記大意蓋兼知軍

州及僚屬記遊姓名多不可辯

元修天井關孔子廟二碑記一爲大德四年一爲十一年

皆教授劉德盛撰文字甚鄙劣考大德四年成宗庚子

其十一年則已未也明年爲武宗至大改元

唐清風壁詩序石刻在琵琶泔朝議大夫高平郡別駕權
澈詞錢塘縣尉瑯琊王紆書天寶五載夏五月二十日
從末行逆讀自序其秉憲被譴來佐丹曲訪茲勝遊詩
字俱佳考天寶五載元宗丙戌權澈名新舊唐書俱不
載權氏宰相世系表及姓族諸書並無其人或非天水
一族也郡人王紆想以瑯琊地望而係之

元修明道先生祠記前列戶部主事高平賈友恒曾撰文
文稱泰定間始創爲祠至正三年改建文簡潔有體考

鳳臺縣志

卷之十九

輯錄

公本傳以丞相東曹掾擢戶部主事未上一月覺心悸
得父書辭歸文蓋其家居時作也所云泰定則元英宗
改元至正三年爲元順帝癸未記又列知州事南鵬翼
書丹書法絕佳史稱魯書取裁於晉而氣骨蒼穩疑礎
爲魯書

元段長官墓碑銘容城劉靜修先生因撰書東阿李野齋
謙篆額碑立於至元二十七年庚寅考二公本傳靜修
繼王恂教授宮學近侍子弟尋以母疾辭歸丁內艱二
十八年復詔爲集賢學士以疾固辭野齋於二十六年

以足疾辭歸二公書文皆係里居時所作而靜修尤爲
元代偉人非漫作諛墓之碑者讀正卿循良傳與靜修
碑銘適相符辭不溢羨敬其人因愛其文與字曷勝矚
想之至

元重修廟學記李莊靖俊民撰也記稱前進士書丹篆額
則劉正姚昇皆莊靖友也後書丙午十月丙戌朔而不
紀年者則以蒙哥寶祐五年未建國號故也又考莊靖
先生爲世祖藩邸承制加號非賜諡也元史以爲諡莊
靖似誤

鳳臺縣志

卷之十九

輯錄

三

元天井關文廟本息碑記一一爲教授劉德盛撰書一爲
教授徐亮撰鄉進士馬嗣融書記中大意均稱州牧王
伯福增修廟庭餘中統鈔二百餘緡生息以備祭祀嗣
後焦裴二守繼次指畫爲經久計其云大德丁未成宗
十一年其云至順辛未文宗二年也文字俱惡劣

後唐建乾明寺碑記陽面書建修始末山田界址陰書三
藏所譯尊勝陀羅尼經并序兵火亂離幸托佛力保乂
平謚經始於天祐十四年丁丑鐫記於天成三年戊子
考十四年晉王所稱天祐也又五年唐莊宗改元同光

至四年爲明宗天成元年後列施主姓氏有錄事衙官等名尙仍唐制所謂大唐澤州晉城縣建興鄉砂城里柴擗管義興邑皆唐舊名也

後晉石經在元泉寺書真言經特進鴻臚卿不空三藏所

譯也前序師姑本貫黎城人系出瑯琊王氏幼離情愛

長慕清虛雲遊南北於缺砂城里缺莊買置地基撥土

住持二十餘載圓寂後得舍利一柴粒度脫門徒合建

塔幢固圓當院師靖德等立晉乾祐元年戊申八月日

建考乾祐元年爲後漢隱帝年號去年丁未高祖仍稱

鳳臺縣志 卷之十九 輯錄

晉天福十二年至本年二月已改爲漢矣石幢立於八

月復稱晉者或深山中不知改年也又師姑支派不言

僧徒疑係尼師

後晉佛說上生經幢在元泉寺前書佛說觀彌勒菩薩上

生兜率陀天經後書天福十二年丁未十二月日立幢

內字俱完全其所云天福十二年則後漢高祖曷元年

也晉高祖天福共八年改元開運至此四年矣漢建國

而未有國號又稱晉年號舍開運而追續天福爲十二

年歐陽子以爲甚無義理書之以紀其實

唐石經幢在可寒山乾明寺山坡上篆書尊勝陀羅尼之經幢八大字下書唐儀鳳元年月日建立字多漫滅不可曉考儀鳳爲唐高宗改元元年爲丙子四年巳卯復改調露

北齊石佛記碑製四楞上下皆鑄佛像空處細書施主姓名前有小記大齊河清二年歲次癸未五月甲午朔十月戊寅陽阿故縣村合邑長幼等敬造石

缺一華像一字

軀寶相嚴麗借此功福上爲皇帝

缺一字

僧七世父母因

緣眷屬通地四生成正

缺一

考河清二年爲世祖癸未後

鳳臺縣志

卷之十九

輯錄

五

列東兵叅軍長流叅軍功曹中正長史縣令等官齊書未志職官其制皆因北魏書法雜用篆隸日月等字與唐武后時同知十二字非盡武后所造也

宋峽石山修彌勒殿記釋顯名以駢體撰記記稱唐咸通八年勅賜名額後周顯德二年勅下廢無名寺字此刹依舊住持隨時營造并讚後書宋景德四年仲秋月日考咸通八年唐懿宗丁亥顯德二年周世宗乙卯景德四年宋眞宗乙未也又考五代史顯德三年十一月廢諸祠不在祀典者記有可據矣

唐青蓮寺山田石碣記無撰人姓氏後列張靖境書記稱澤州東南三十里勅號青蓮寺北齊初禪師口奏藏陰所管三庄田地二十餘頃輸稅若干至太和九年僧惠愔說郡王中丞減稅若干畝會昌三年沙汰若干畝又咸通八年孟員外聞奏請勅賜青蓮爲額割地若干畝考太和九年文宗乙卯會昌三年武宗癸亥咸通八年懿宗丁亥所謂郡守王中丞孟員外聞府州志俱失載

後晉創建聖字山崆峒巖記無撰文姓氏記稱天福初有

鳳臺縣志

卷之十九

輯錄

六

水谷門人韓善閑崆峒人也龍門李膺之後來遊茲土幽居樂道結社若干人創修廟若干間謹記後書晉天福五年七月七日主僧建考天福五年爲後晉高祖庚子又旁一卧碑載有小記後列施主男女姓名無年號祇去乙酉年九月癸未朔初十日考此院建於天福五年後人施幡蓋於中若以爲同光三年之乙酉則尙在天福以前大抵宋太宗雍熙二年之乙酉也

後周石經幢在郭庄棲真觀書法頗佳文亦明晰可辯上刻佛頂尊勝陀羅尼經并序娑羅門僧佛陀波利於儀

鳳元年使西域取經始末至永淳二年回至西京逮永昌元年前後譚譯緣由與四義天寶年府城鳳儀年序相同前列時周廣順三年歲次癸丑十二月丁未朔二十九日辛亥清信弟子匡時劾義功臣龍鑲指揮銀青光祿大夫檢校戶部尚書兼御史大夫上柱國武威縣開國郡公食邑一千四百戶郭思俊考廣順三年周太祖癸丑與幢記合而郭思俊之名不見於五代史歐陽子云五代亂離之際史籍散落官職之失傳者多矣且宋史開國功臣郭姓亦無其人今其地尚名郭庄或係

鳳臺縣志

卷之十九

輯錄

七

思俊故里云

宋法輪禪院石塔記在松嶺山前書老僧自捨衣鉢錢建造佛牙舍利石塔撰記竝書內有句云周穆王之代教法將興漢明帝之時親來此土以四六行文後列大宋雍熙四年四月八日建考四年爲太宗丁亥明年改元端拱據塔記有錢可捨作記以傳則老僧名利心未能擺脫尚非清淨中人

宋二仙館碑記無撰書人姓氏內多別字訛樂氏爲岳後書大宋開寶七年甲戌七月壬申朔二十日丁卯蓋太

祖紀年也記云西鄰宿鳳之臺知棲鳳之說不第李柯
宋碑也

唐彌勒菩薩上生變讚并序沙門紫羽撰書與遠公遺蹟
同時文用駢體後書寶歷元年姑洗之月二十日鄉士
侯政書考元年屬敬宗乙巳文字俱古雅可愛

宋峽石山題名記朝議大夫晏知止處善通判曾康伯寧
夫潁州簽判許公輔晉城縣令衡規前潁州司法叅軍
李訢同遊峽石山福巖禪院登遠師擲筆臺望珏山悠
然有塵外志因南縱百餘步訪青蓮院求師遺跡於殿

鳳臺縣志

卷之十九

輯錄

八

庭之下臨丹川快襟久之元豐八年歲次乙丑夏五月
癸巳朔二十六日戊午衡規題考五龍廟碑徽宗大觀
三年戊辰衡規稱知軍州管司學事先於神宗元豐八
年丙寅稱晉城令二十二年之久始行遷轉何其難也
又考知止宰相殊子史止言官朝議大夫不言其知澤
州今從峽石山題名考入以証宋史之闕

金峽石山福巖院記州守楊廷秀撰書郡人按察副使郭
俱篆額後書泰和六年章宗甲寅年也記稱慧遠授曇
始衣鉢周武帝承光二年詔集沙門欲廢釋教遠公面

折之此段與唐司徒太常僧紫羽記合至所稱示寂後適隋亂與唐記不符未知何據又記稱前郡守許文簡安仁李襄獻仲畧及郡人郭俱金史皆有傳全金詩楊庭秀小傳稱其詩格以被脅伏法士論惜之考泰和六年金伐宋俱充宣差山東安撫副使前已遷國子祭酒此仍書按察副使或偶爾借銜不及深考歟

金定中宮銘在二仙館四六行文頗爲簡淨後書明昌三年閏六月三日晉城縣泊南社趙口書時爲章宗壬子金三巖廟碑在盤龍山記云周廣順始立廟天眷改元歲

鳳臺縣志

卷之十九

輯錄

九

次壬午重加修葺鄉士盧瓌撰書考廣順周太祖改元祇三年所謂天眷改元歲次壬午則熙宗元年也又考三巖爲夏時侯國助桀爲虐而湯伐之其地在屯留襄垣界有三巖山俗言其能興雹傷稼土人祀湯以禱雨澤以三巖能爲雹亦祀之以弭雹災碑云宋加靈貺封號無勅牒可考

宋琵琶法石壁詩一首序云余至濩澤侯代者因遊景院探龍穴觀琵琶法抵暮乃還遂留詩於石壁郡倅崔順孫毅夫俱行紹聖三年三月十四日提點刑獄洛陽楊

謨題七古一篇後列朝奉郎

下缺數字

崔順孫上石晉城縣

令張翼摹勒考紹聖二年哲宗丙子所稱提點刑獄按宋制諸路提刑掌察所部獄訟訊囚覆案牘凡有留獄逋盜皆劾以聞及舉勅官吏諸事紹聖初提刑兼管坑冶楊謨之名宋史失載又據紹聖碑刻郡守王元與崔順孫等兩遊此地闕文或係郡守王元也

金琵琶寺詩跋石刻前列鄉貢邠州節度使趙忱防禦路元唱和五古詩各一首進士呂天錫跋進士吳焯書沙門洪讚立石大安三年六月二十四日詩字古適可愛

鳳臺縣志

卷之十九

輯錄

十

金史俱無其名考大安三年衛紹王辛未明年改元崇慶按州府志及高平志皆以路元爲高平人官河南按察轉運使據詩刻趙忱序云余與路君同鄉里距洞子寺半舍相約爲廬阜遊路元序亦云大安三年謫居鄉里從趙君卿同游元實係澤人非高平也諸志皆言官轉運使或謫居後起爲是官亦未可知又後有進士呂天錫吳焯跋書而不言官階金自承安泰和以來經義辭賦二科取士常九百餘人人多員少或至老不能除授多以進士終至跋所云二君聯鑣并蓋特游是院此

韋應物鳴騶響幽澗非歐陽公太守不能車馬來意也
未能免俗竊恐山靈笑人

元修大成殿記在天井關晉城書院山長牛麟撰安州知
州徐克敬書陽城尹趙繩祖篆後書至正十二年月日
本關老人等立石考元官制漢人年過五十及兩舉不
第者授以教授學正山長後惟授學正書院山長所書
至正十二年爲順帝庚辰

金擲筆臺題名記從後逆書唐人題壁多此類大定戊戌
閏六月十二日蓮峯真逸喬辰仲章由山陽歸天黨因

鳳臺縣志

卷之十九

輯錄

十一

遊青蓮精舍安霖巖起張瑾孔璋携秋泉如林下約雅
集釋道晏寂然竹軒翼日乃還期而不至者清溪道人
孫昶明遠也主僧寶詮刻石考大定戊戌世宗六年題
名諸人喬辰初名逢辰金詩小傳字君章石刻仲章非
君章所謂蓮峯真逸則詩傳所同也其安霖張瑾孫昶
三人不見於金史卽辰亦金史無名或者金制取士過
多三人皆其同年友與又金時文人多以四字爲別號
亦一時之陋習也

金擲筆臺題名記自後逆書建州張翥雲翔端城王士

缺

子仁古韓鄭賓子谷仝遊青蓮訪寂無二上人流覽勝
槩經宿而歸大定己亥秋十二日題考元張翥本傳至
元末薦隱逸至正初召爲國子助教仕至翰林承旨卒
時八十二歲距金大定己卯一百九十一年不應如此
懸隔若以爲元成宗大德己卯則石刻大定并無大德
字形又考元張翥字仲舉此云字雲翔應屬另爲一人
且明初澤屬陽城亦有張翥官司訓蓋姓名之偶同也
宋中書牒在元泉寺澤州奏准勅賜普濟之院爲額太平
興國三年五月二十五日牒中書侍郎盧左右僕射兼

鳳臺縣志

卷之十九

輯錄

三

門下侍郎平章事俱無花押後書至道元年三月六日
立石考太平興國三年太宗戊寅至道元年則太宗乙
未也此牒與松嶺青蓮兩寺同時勅賜其中書官階爲
盧多遜沈倫薛居正三人獨多遜書姓與二牒稍異後
云知州事推叅等官姓氏與二牒亦不同

唐石幢在甘潤村湯王廟內斷而爲三字多可辨前書尊
勝陀羅尼經幢并節錄劇賓門佛陀波利取經譚譯始
末後書永昌元年八月日考永昌武后己丑后所造天
地日月十二字在高宗儀鳳時府城石幢已遵制書寫

何至僞周改元反守古體或者武氏敬禮佛法釋典未敢更易與

宋重修湯王殿宇記在大陽邑進士劉泳撰後書宣和元年巳亥九月十一日記稱乾德五年冰祖某公剏建寥寥數百載風剝雨浸至宣和改元鳩工重葺易月告成考乾德止五年爲太祖乙丑至宣和九年徽宗乙亥不過百有餘年記稱數百載誤矣

宋湯王廟芝草詩序石刻在太陽進士劉泳序並咏七律其族人劉衍和韻進士劉昇書宣和二年庚子九月十

鳳臺縣志

卷之十九

輯錄

十三

一日按木芝本無足竒山左孔林歲生數十本以爲常蓋木菌之屬也近聞劉氏後裔尙藏爲世寶考徽宗崇尙元虛談清淨而好符瑞州縣以嘉禾瑞草獻者史不絕書何此芝弗貢於朝與

宋石龕記在城內民家其可辨者數十字師俗姓金本貫

晉城縣尙樂

缺

慧覺禪師

缺

年

缺

具龕四十餘

缺

四月

十五日遷化

缺

建立建隆元年仕馬廐監

缺

姪男文密

缺

暨石爲記年月日後書太平興國四年歲次庚午四

月癸巳朔四日據文義慧覺和尙石龕記也考宋馬

政太平興國有天馴監天廡坊真宗乃置群牧司後諸州皆改爲監且多以州縣兼攝此云司廡監名是否爲姪男文密抑係屬闕文至所書建隆元年則大祖庚申太平興國則太宗紀年也

元修裴忠烈公祀記汴梁歸彥溫暘撰知州李思敬篆州判阿馬丹書至正壬寅八月考歸暘於順帝二十三年以集賢學士資德大夫致仕僑寄宏蔚宣大間關避兵復居夏縣此祠成於至正乙巳所云走書數百里求記者正二十七年居夏縣時也彥溫卽以是年卒明年元

鳳臺縣志

卷之十九

輯錄

十四

亡

元松嶺寺詩記石刻五古一首前列小記厭次劉復亨所作記稱延祐庚申爲澤倅辛酉春丁釋奠天井關文廟就便登此寺有作後有至順三年五月鄉士徐亮小記考復亨字邃初以延祐中明經甲科授州同知詩作於仁宗延祐三年甲辰石刻於文宗壬申相去二十二載金二張仙碑記在郭庄撰書皆道流記稱大張崇真邑人小張道溫京兆人邂逅林泉一話機投同遇劉長生密傳法卽先後坐穀同穴瘞之是歲崇慶改元後有唐純

素者亦相繼化去考二張載於通志府志所云崇慶改元則衛紹王改元也大安崇慶間史多諱辭碑凡二見俱書崇慶改元而不紀年月

元集真觀記書撰俱不工記稱觀在恒河山南出泉水名曰曲河道士唐純素繼張崇真俱登真悟至正三年癸未晉城縣尹許德基立記中只稱大張而不及小張或以小張爲外籍故畧之所云至正三年則順帝紀年也金石經幢在琵琶寺惠詮和尚所建也記稱惠詮崞陽人出家五臺山卓錫於此造殿閣二十所度僧衆千餘人

鳳臺縣志

卷之十九

輯錄

十五

寫真經總計六百七十九萬七千字大定年月日衆社共爲立幢後書尊勝經佛陀波利所譯也

金松嶺寺詩石刻在松嶺寺五古一首草書筆勢飛舞詩亦佳後書泰和丙寅後一日與客登松嶺謁李衛公祠留題法輪院華山楊庭秀考金泰和元年章宗辛酉庭秀爲郡守時所作別有記李莊靖俊民書

金恒山公詩刻在天井關文廟內恒山公武仙也仙爲金末名將河北九公之一死於此關臨漳主簿李孝純題七律其子州學正璣重刊大德四年庚子蓋詩刻於金

未而重刻於元成宗庚子也考金史武仙金留守元帥封恒山公九府財賦兵強而甲於河北降元已六年徒以與史天倪有隙復殺天倪歸金反覆無常哀帝末擁十萬兵爲自固計屢檄勤王置國難於不恤又妄殺忠臣盧芝石玠遂至進退失據從數人渡河北至澤州爲戍兵所殺據此則武仙無甚可取李孝純以詩哀之過矣

宋青蓮寺石柱題名記從後逆書陳子鎮子庚賈山王鉞胡考寧釋宗清以宣和七年十月十四日同遊道逢上

鳳臺縣志

卷之十九

輯錄

六

人啟元不期而會遊人俱不可考考宣和七年徽宗乙巳金兵圍太原明年爲欽宗靖康元年金兵犯澤州高平當此時登臨山水真所謂燕雀處堂不知大廈之將傾也

宋青蓮寺石柱題名記從後逆書元符戊寅十月十四日高平郡別乘河南段紹同晉城令耿敏尉黃叔敖因接田自琵琶泐至青蓮寺登擲筆臺步月臨流傳觴賦詩明日去宿景德寺考元符戊寅宋哲宗二年記稱高平郡別乘宋無高平郡名蓋澤州通判而書古郡也又據

郡守王元於紹聖丙子丁丑琵琶泫青蓮寺記遊皆列
黃叔敖耿敏名越一年卽改元符

金青蓮寺石柱題名河間許道真古筆也記稱承安五年
閏月二十六日同張君玉吳壽夫來遊遂與寂公無二
登鳳皇山周覽青蓮之勝鈞幕河間許某題考古父安
仁以明昌五六年出守澤州古於明昌五年登詞賦進
士第承安間正安仁節度汾陽時也考古本傳宣宗貞
祐初自右拾遺拜監察御史距登第時已十九年或此
時隨侍父任否則作此郡幕職記中稱張君王吳壽夫

鳳臺縣志

卷之十九

輯錄

七

僧寂公大抵爲進士張天祐吳芝寶寂和尚皆其父所
與遊者記又稱登鳳皇山安仁詩亦云卧看月落鳳皇
山山名不可考據寺僧云卽青蓮寺山以山形名

金青蓮寺石柱詩刻七律後書牛文郁題王炳書興定辛
巳清明日刻考興定五年宣宗辛巳六年壬午復改元
光據宣宗本紀二年戊寅元兵攻澤州五年正月攻天
井關兵戈擾攘之際賢如李莊靖等尙多避亂中州牛
文郁等何人乃安若無事作此勝遊豈諺所謂烈火燎
眉只顧目前耶

宋青蓮寺石柱記前書石柱一永爲供養熙寧九年至崇寧元年二月初九日不書施主姓名考熙寧九年神宗丙辰崇寧元年爲徽宗壬午石柱非一時所施或至徽宗時廟始告竣

宋青蓮寺石柱題名記前列北村社尙書杜選謹施石柱一永爲供養男杜昌等元祐四年十月日記考宋史杜氏有傳者十一人無選名諸志俱不載又考職官志尙書令不預朝政至元祐年始置六曹權尙書以處未應資格之人後又廢至南渡初復元祐制旁又有石柱題

鳳臺縣志

卷之十九

韓錄

六

名二記一係元祐四年十月二十六日一係十月十日丙崑村成恭施石柱一南下社田頭翁蘇簡並崔家社崔應施石柱各一考元祐四年合前並係哲宗己酉

金潮公和尙塔志銘在青蓮寺僧寶寂撰書寶寂爲金明昌年高僧與郡守許安仁爲方外交其文簡潔無浮辭志稱潮公名惠潮字巨源俗姓陳氏晉城人後序生平巔末於宣和元年出家天會丁未遭兵亂度脫僧衆談經法爲一時冠皇統改元春秋三十有七化去瘞於臺師塔傍寂爲銘考宣和元年宋徽宗己亥天會丁未金

天會五年也皇統改元則元年辛酉

宋存公和尚塔志銘後書尊勝經幢僧慶仁撰書記稱其
熙寧三年出家峽石山元豐八年總寺都院元和二年
蒙恩賜紫逾年樂湜政和六年丙申正月日建考熙寧
三年神宗庚戌元豐八年神宗丁丑至政和二年六年
則徽宗壬辰丙申字多漫滅不可辯

唐石經幢在青蓮寺篆書佛頂尊勝陀羅尼經幢九大字
以下楷書經文筆勢遒勁後列弟子太原軍招信都廂
虞侯郭存實以天祐十七年庚辰歲暮因巡遊到此仰

鳳臺縣志

卷之十九

輯錄

十九

睹名山瞻眺樂界發愿在羅漢樓建立經幢伏願烽烟
早息鐵騎罷征四民樂業五穀豐登昔天祐十八年辛
巳四月丁巳朔十一日丁卯郭某立石後唐稱天祐十
八年明年爲莊宗改元同光元年而梁亡又考唐兵制
神策軍有殿前左右廂都虞侯等名李晟劉希暹曾任
之唐未藩鎮跋扈多私相署置郭存實亦其類也記稱
願烽烟早息等語是時梁晉日尋干戈四郊多壘存實
蓋有感而云也

唐石經幢在青蓮寺前書佛頂尊勝陀羅尼石幢并讚字

鄉士趙洞微撰書文用駢體辭頗工雅後書唐開成四年巳巳五月十日建立考開成爲文宗年號元年丙辰四年巳未二年係丁巳非巳巳其爲幢誤無疑

金松嶺法輪院記郡守楊庭秀撰書李莊靖俊民篆額也記中叙高僧奉教於天福年間住持宋太平興國時捨身自焚留舍利子宋靖康末宗愍遭兵亂誓死謹守禪房寺獲全金大定二十九年湛建慈氏閣記之以爲傳燈錄續太和丙寅端午日記考天福五年後晉高祖庚子靖康宋欽宗年號大定二十九年金世宗大定巳酉

鳳臺縣志

卷之十九

輯錄

二十

世宗以是年正月崩章宗卽位明年改明昌元年故記書大定又考太和丙寅爲章宗六年據元史俊民本傳金承安五年及第供奉翰林文字旋棄官不仕今書太和丙寅彰德節度使判官提舉學校常平倉賜緋銀魚袋雲騎尉全官階與史似不符

金劉長生白蓮花辭石刻三十首在曲河觀後書泰和壬戌元宵前道士張崇古立石碑陰書王純陽馬丹陽劉長生邱長春譚長真爲五逸詩端城道人韓士倩跋河兩蘇訪繪五逸像鐫石考泰和壬戌金章宗改元十五

年詩辭跋語雖淺近發人深省書法似黃花老人
元觀音堂靈蹟感應記在青蓮寺南關元至元二年八月
上旬鄉士賀祿撰書文字惡劣考元至元紀年有二一
爲蒙古世祖一爲順帝碑稱大元自屬順帝丙子
隋石佛記在北村與龍寺前書大隋仁壽二年歲次壬戌
十一月甲辰朔二十四日佛弟子胡叔和撰載藝文碑
刻佛像三上列施主男婦姓名與東淑村開皇年碑製
同記中文義爲文帝祈福并及先世宗祖所云仁壽二
年則隋文帝復改號之二年也

鳳臺縣志

卷之十九

輯錄

三

宋崇壽寺卧碑上書鄉貢三禮殷日新同合村敬造佛像
普同供養其碑鐫佛像一尊後書天聖十年三月日立
考天聖祇九年明年十一月甲戌改明道碑立於三月
故仍稱天聖所云鄉貢三禮殷日新州府志俱不載
宋二仙廟記二在山頭里祀樂氏二女二女壺關人壺關
與陵川毗壤故祠爲獨多一爲政和七年衛紹撰記稱
建始於哲宗紹聖四年次年改元祥符落成於政和七
年則明年改重和也按邑俗迎神報賽謂之水官此記
有傳其水之說則水官之來舊矣一書大觀元年苟顯

忠撰考徽宗丁亥爲大觀元年撰文爲苟顯忠或云係敬姓避諱改文苟二姓不知宋以前苟姓甚多如苟變苟諫之類固不盡敬姓所改也廟內政和碑亦有苟姓唐霍秀里遠公廟碑銘前列施主姓名次爲銘詞文稱唐大中五年創立蓋宣宗辛亥也中叙遠公事蹟甚悉內稱後周武帝齊承光二年召沙門至西京欲廢其教遠公折服之教得不廢唐寶歷年碑金大定碑俱載此事考周武帝罷汰僧道在建德三年此時與齊通好寺在齊之建州周何能越境禁斷至六年正月齊主傳位於子恆改年承光奔青州尋爲周所滅亦并無二年之說或碑有訛也

鳳臺縣志

卷之十九

輯錄

三

唐上方院銘記無年月及撰人姓氏前以四六行文歷叙不空三藏譯真經頒行到寺謹將佛頂尊勝陀羅尼經摹臨上石考唐人百家佛陀波利儀鳳年取經至西京與杜顛等譯垂拱元年晤三藏法師永昌元年大愛敬寺見澄法師俱取譯經校勘相符奉詔頒行其爲唐碑無疑

元重修梁甫廟記前書莊靖先生李俊民撰後書乙卯年

十一月初二日文體博雅係後人重刻記稱宋乾德三年始建廟屢燬兵火張珏等更一新之進士賀彰求記故書考乾德三年宋太祖乙卯蓋蒙古寶祐三年也元年癸丑已加號莊靖先生故書號不書前進士與鶴鳴老人凡古人立言各有體制如莊靖此記不曰天齊而曰梁甫可以針俗說荒謬

元修梁甫廟山門記教授劉德盛撰賀宗儒書大德十一年月日立文字俱俗惡考十一年爲成宗丁未

元朔建關侯廟記在夫妻嶺記稱高平劉通流寓此土愛

鳳臺縣志

卷之十九

輯錄

三

其山水明秀植松柏數十株建侯祠於至正十四年鄉貢士王世英書蓋順帝甲午年也文與字俱無足取而王世英之名不見於舊志亦可借以補缺

宋二仙廟設立器用碑記亦政和七年記頗簡淨後書政和七年丁酉歲四月十七日蓋徽宗紀年也未書鄉進士杜自修

元重修法藏記青蓮寺藏經閣也鄉貢士賀祿撰文至元二年月日立石記稱僧通微造方匣七百盛藏經五千餘卷考二年順帝丙子今所藏經有貝葉梵字經一卷

余曾見之

元重修元泉寺碑記進士裴士儀撰進士元權書至正四年立石記稱後漢永平時建寺至太和五載重修歷後唐潞王清泰二年續建百十間寫一藏經後周顯德六年復修立今寺中祇有五代漢二石幢并無漢唐舊碣考記稱漢永平爲明帝紀年太和五年後趙有此年號祇三年必唐文宗辛亥清泰二年係晉潞王乙未顯德六年係周世宗己未俱無碑記可考

元善法堂碑記在松嶺寺晉寧路推官劉復亨撰濮州教

鳳臺縣志

卷之十九

輯錄

一四

授張鉉書篆至順三年七月日立石蓋復亨題詩法輪同時作也記稱堂修於延祐三年正月爲仁宗丙辰成於泰定二年九月則英宗丙寅也

金玉帝行宮題名記在府城泰和七年月日後列進義校尉段繼評事祁懋等立石考金制武散官正九品上曰保義校尉下曰進義校尉又天德二年置大理寺評事正八品泰和七年則金章宗丁卯也

元修玉皇廟廊廡記在府城郡人王宗道撰鄉貢士段暑敬書至正乙未月日立石後列州同知趙珏判官五十

吏目則孔仲祖至聖五十五代孫考順帝十五年爲至
正乙未

元修雲貞觀在小析山湯王廟鄉貢進士焦文苑撰書至
正甲午月日立石記稱兵戈擾攘國事孔亟了此大緣
實所罕見也考甲午爲順帝十四年是時徐壽輝先已
竊號明年乙未韓林兒亦僭偽位字羅擴廓日尋干戈
民生其間流離瑣尾真如陷水火中矣

元成湯廟禱雨靈應記在小析山學正高昌民記至正辛
丑月日立考辛丑爲順帝二十一年記文頗潔淨書法

鳳臺縣志

卷之十九

輯錄

三五

亦佳

元修崇壽寺記逸人蘇殷撰進士常毅篆張翼書皇慶元
年月日立後列帝師堂下都僧錄智鑑圓明大師五十
七字官銜考元時崇尙釋氏帝師尤爲尊貴皇慶時蘭
納識里爲帝師通三藏及諸國語授光祿大夫開府儀
同三司仍賜三臺銀印兼領功德使司事至順二年賜
玉印加號普覺圓明廣照宏辯三藏國師尋以謀反伏
誅記云帝師堂下不過帝師弟子而官階猶赫奕若此
則當年帝師之尊至於藏奸匿盜諸多不法害莫可言

番僧世嗣與元運相終始

金梁甫廟門欄題名記在高都鐘可辯者有金大定等字
餘剝落

金磨崖碑記在佛堂溝內有石佛像記書大定四年月日
鐫相傳廟遭回祿後人爲重刻之或云卽唐子昂題詩
處不知子昂題句在碧落寺非此地也記稱金大定四
年爲世宗甲申

元申甫墓碑教授劉德盛撰德盛文多俗俚此文頗通適
記稱甫於至元辛未卒元貞元年葬五門鄉泰定三年

鳳臺縣志

卷之十九

輯錄

二六

立石考至元辛未世祖八年元貞元年爲成宗改元乙
未泰定三年則英宗甲子也

唐青蓮寺碑記太和七年釋道振撰讀法華經姓名歷叙
高僧首北齊曇始奉藏陰寺講涅槃經野雉來聽猿猴
獻果之異周有惠遠法師注涅槃經成擲筆昇空唐代
宗時神墨禪師貞元時智通法師後有惠愔智峰來此
爲太守王公挽留任錫城隍信士各持法華經品第人
共立石邑人司徒映冊書考太和七年爲文宗癸丑其
貞元則武宗改元

唐石幢在天慶觀節錄尊勝陀羅尼經其可辯者二百餘

字起處

缺二字

下有楊字

缺一字

仙奉神武應道皇帝建立

寶幢皇帝廣

缺一字

善貸天寶七載五月十三日大赦天

下怵慶惟新上報聖慈

缺一字

待制後書大唐天寶十有

二載歲次癸巳七月壬子十五日甲寅立石書法絕似

聖教序考天寶七年五月大赦與唐書同而是年羣臣

上徽號為開元天寶聖文神武應道皇帝幢祇云神武

蓋幢之畧也

後唐開元寺銅鐘記昭義軍李嗣昭紀功祈福嗣昭範鐘

鳳臺縣志

卷之十九

輯錄

二十七

四此其一也前書昭義軍節度使全官階李嗣昭新鑄

開元寺銅鐘記時天祐十一年七月十三日文用駢體

書係陰文雖剝落數字尙可辯識鐘舊在開元寺前明

寺廢移鐘於天慶觀考五代史天祐五年梁主入澤州

以兵攻潞為存勗所破梁將康懷英遁歸時晉攻澤州

不下中間取澤年月史傳失載據天祐十一年鐘記可

以補史缺文

宋郡守遊琵琶法題名記在天慶觀前列郡守王元舜弼
倅車崔順孫毅夫再遊崆峒觀琵琶法前隰守劉程公

範同至巡警馬誠之慎思郡幕劉行之行中民掾陳諤
昌武法掾鄭珣君瑞邑尉黃叔敖嗣深從紹聖丁丑歲
乙巳月丁亥日舜弼題楷書甚古考宋職官志州設知
軍州事一人通判一人外有司戶司法幕職巡警等官
記所謂停車者通判巡警者捕盜巡檢官郡幕者幕職
官掌裨贊郡政總理諸案文移其民掾法掾則戶曹法
曹各參軍爲今之經歷縣尉則今典史也

宋李倪碑在天慶觀行書九大字朝拜時庚因按部到此
細楷書二十字政和三年重五日儒林郎司士曹事李

鳳臺縣志

卷之十九

輯錄

六

倪摹勒上石按宋職官志州設士曹一人或蔭叙起家
不嘗置至道初罷司理院置司士職比參軍至所謂朝
拜時庚蓋道家語也是時崇尚道教君嬉臣恬州縣靡
然從風國是之非已可概見矣其內有政和七年蔡京
書額

金寒碧軒古詩石刻在天慶觀洛陽吳英菽鼎作前云雪
中過寒碧軒訪潛叟道人七言古句後有其門人僕卽
跋大定乙酉歲六月五日天慶觀道士喬可度立石按
石刻詩字俱古洛陽吳鼎金史無名河南通志亦不載

中州集全金詩亦軼之缺以俟考

金南澤州刺史左公德政碑在郡署大門內皇統二年八月河陽縣令程莘撰隴西李偲書書文俱佳考金史天會二年加南字以別於北澤州大德三年去南字左公秘太師企弓之子而程莘則邑人也任飛騎尉賜魚袋前爲孟州河陽令

後晉繼光和尚石幢二面在寶山寺東南玉皇廟前前云師法諱繼光俗姓王氏晉城縣人出家五臺度脫僧衆公爲建幢後書時天福五年五月一面書僧徒支派文

鳳臺縣志

卷之十九

輯錄

元

用駢體多俚句書法亦劣所云天福五年則晉高祖己亥也

宋三寶和尚石幢在寶山東南玉皇廟前字多漫滅其可識者如姓何諱三寶大中祥符五出家缺至天禧四年

缺大會四方缺天聖四年七月初十日兩手成文面如

金色缺後云元符元年十月缺五缺建立幢考眞宗天禧

四年庚申至仁宗四年丙寅共七年至哲宗元符元年戊寅計七十九年始立幢

宋龍泉碑在五龍宮篆書龍泉二大字前隸書宣議郎樞

通判軍事許奉世

弟書學

缺一字

學異篆後書大觀二

年秋七月丙辰朝奉大夫知州軍管司學事衡規建據碑則爲學異篆書非奉世筆也府志直作奉世篆誤矣又碑陰行書爲金崇慶改元五月十五日真定宋雄飛以憲司通判郡事同司戶呂華遊柳溪謁祠下移碑於正門之西作誌以記所云崇慶改元衛紹王紀年也

宋澤州龍堂記安國軍節度使掌書記試大理評事推官夏侯觀撰書試大理評事王若谷篆額天盛七年七月十日記記稱唐刺史溫璠因歲旱開鑿古龍泉致禱而雨澍遂建祠載於祀典當時去唐未遠必有所據今唐碑已漫無可考

鳳臺縣志

卷之十九

輯錄

三十

元李俊民聖王廟記在城南後書國朝狀元鶴鳴李俊民撰書篆李俊民爲金狀元不應於元延祐書國朝且并未仕元記云備員竊祿更覺支離考俊民金承安五年庚申登第元世祖在藩邸於蒙哥三四年間連以令旨五道諭令無辭年老逮延祐二年乙卯距承安庚申一百一十六年安得其人尙存其爲記後牛耕磨殘舊碑潛名贗托無疑

唐石幢在城西五龍宮外上書尊勝陀羅尼之幢第一行
書同上第二行首缺五字可辯者皇唐缺疑稱天復贈
司空大辯之寶幢三寶和尚奉本行下缺十三行以下
皆經文尚存二百餘字餘皆剝落考三寶爲宋祥符高
僧傳大辯所譯真經爲立石幢而司空係天復所贈亦
如不空三藏特進鴻臚卿也

宋重修天王堂記在南關古神銳營進士馬泰撰書元祐
七年壬申七月七日指揮韓秀建書文俱佳而殘落不
可讀其碑陰記神銳第二十指揮副指揮管兵員四百

鳳臺縣志

卷之十九

輯錄

三一

五十二人軍員左右十將都頭副都頭節級陣頭都頭
等考宋兵制營設指揮一人副指揮一人管兵五百人
所謂第二十指揮蓋統澤州宣毅三營神銳二營威果
三營永霸招收保節勁勇宣勇各一營言之也每軍有
軍使步軍曰都頭三人副兵馬使步軍謂副都頭二人
十將者左右承局虞侯押官各二人其節級陣頭教頭
則十月上閱教習訓練人也指揮使各營於其州以都
巡檢司統之

宋重修魏孝文帝廟碑序在龍門峽彭城劉淳文并書篆

碑後皇宋三葉嗣位之十有四載景德四年厥功告畢
明年正月天書降改爲大中祥符元年據碑云始建於
魏唐咸通中重修至季漢乾祐末年復行增葺其中申
叙孝文本記多別字書法甚劣所稱改元年月與宋史
合考魏孝文紀太和二十一年南巡自平陽趨龍門非
此龍門也惟明帝七年南巡出天井關八年北登太行
山幸高都魏代多惠澤及民而孝文尤著廟而祀之宜
矣又河底北坡亦有祠古樹深潭像製甚古非後人所
及惜舊碑剝蝕不詳所始

鳳臺縣志

卷之十九

輯錄

三

宋府城玉皇廟碑郡學教授李安時記單懷進士蘇孝恪
篆進士馬同書其同立石者則進士秦谷等也後書熙
寧丙辰係神宗九年告成文字俱惡劣而篆頗峭勁考
熙寧丙辰爲神宗九年是時漸侈封祀碑記云玉皇在
三清之上其外有三清殿像甚古非近人所及或者同
時建立也

唐石幢在府城三清殿外第一行書尊勝陀羅尼經幢並
序字有顏歐意序亦甚古惜缺其下半後有志靜

缺二字

法師詒受神

缺一字

法師等字序不具載師蓋佛陀波利

而前列儀鳳則高宗改元也絲書主僧敬鄰都頭李邦
副邑銖秦延祚并書考唐武職有都頭散都頭等名其
捧日都頭李晟等曾爲之

宋中書牒石刻在高都景德寺

行書大字

中書門下牒景德寺

細書澤州僧道幽丹水山慈善寺

大牒奉勅宜賜景德寺

爲額牒至准勅故牒景德四年十一月日牒右諫議大

夫叅知政事趙

押

兵部侍郎叅

知政事馮

押

工部尙書

平章事王

押

司戶叅軍孫

押

錄事叅軍王

押

推官趙

判官葉

押

知軍州兼管內勸農事石

押

大金泰和八年

鳳臺縣志

卷之十九

輯錄

三

十一月二十日僧善雲立石考牒賜於宋景德四年石
刻於金泰和八年州之知州推判叅軍等名俱無可稽
其所謂右諫議大夫叅知政事遣者趙文定安仁兵部
侍郎叅知政事馮者馮文懿拯工部尙書平章事王者
則王文正旦也錄此以見宋時牒文之古與後不同并
可想當年品望之重云

元玉皇行宮記至元三十一年國史院編修宋景祁撰文
前晉城令張大亨篆書文俱陋劣記稱水東劉元帥福
水西景元帥邁蓋木華黎下潞澤時與段長官直申鎮

撫甫同時所劄授也後列千戶尹彥忠晉城縣主簿韓
昌祖晉城縣尹兼晉城縣達魯花赤忽都志無其名而
張大亨志亦不載考通志府縣志有高平宋景初以教
授任晉城令仕至國史院編修初應作祁以碑記爲正
諸志皆誤

元修會真觀記在水北後書已酉十月十七日鶴鳴老人
記蓋金狀元李俊民爲道人通微子杜志元記也記稱
志元庚寅詣天壇屬金正大七年蒙古太宗二年越五
年金亡又十四年戊申爲定宗貫由二年是年定宗崩

鳳臺縣志

卷之十九

輯錄

三四

議立未決歷已酉庚戌三歲無君故記稱已酉不書年
號記又稱澤州次官趙唐與段長官直申鎮撫甫想爲
木華黎同時承制劄授其修建人如水東劉福係以彭
城水西景遇屬之晉陽特以族望証道人京兆之杜耳
至記文書法均古雅可愛

北齊石幢周村廣福寺內石分八面前書大威德經施主
姓名字多漫滅前後俱有大齊天保元年末行書月日
壬申立石考天保元年齊文宣庚午疑寺爲此時所建
也

唐石幢在廣福寺內刻金剛波羅密經字尙明晰後書功德王李宗爲屢遭亂離骨肉團聚敬獻釋迦如來佛像及諸天像於寶林寺並建經幢仰報慈庥唐天復三年月日據此則寺舊名寶林廣福乃金所勅賜也考天復三年昭宗癸亥梁晉交爭澤潞金戈鐵馬隨地皆爲戰場民於此日不聊生乃有餘暇復經營佛事豈果佛力之所護耶

金福巖院鐘銘云北齊天保曇始法師創立道場至金大定六百年中間高僧繼起項缺梵鐘寺僧惠珍選工陶

鳳臺縣志

卷之十九

輯錄

三五

鑄命僧開悟爲銘昔大定三年歲次癸未十一月甲子二十七日甲寅記按福巖卽青蓮寺曇始北齊高僧寺所由始府志辯爲始於慧遠卽晉遠公不知此另爲一人係曇師弟子由齊周入隋非晉之慧遠也慧唐碑一作惠

宋石塔記首行來蹤

缺一字

和尙

缺一字

本華州人也幼弱苦

空下多缺文其可辯者計七十餘字有胥臻道修業因於十方及住持五十餘歲大宋建隆二年二月十五度門人惠海等宗派共致哀慕安厝塔下

缺一字

師和尙施

其地未行書九年歲次丙子二月幢成考建隆三年係壬戌爲唐後主煜元年開寶九月丙子卽太宗太平興國元年也故不書改元

元知通州段公碣銘清苑郭文憲貫撰清河陳文忠顯書史稱郭貫博學精篆籀當世册寶碑額多出其手據碑序云紹隆卒於元貞元年乙未後十二年大德丁未貫時值翰林方被命使遼海貫本傳八年進翰林直學士與遼陽行省平章別速合徵里帖木耳往鎮高麗一十年召爲河東廉訪副使考八年係大德甲辰十一年則

鳳臺縣志

卷之十九

輯錄

三六

大德丁未與碑記不合又考陳文忠本傳仁宗皇慶元年以定難功授集賢大學士榮祿大夫成宗大德四五年間正隨仁宗出居懷孟時也不應預書官階或者碑係後人重立否則史之誤也

宋石幢在李村可辨者十一字天聖三年

下鳳栖李村

院僧德

缺

考天聖三年宋仁宗丙寅其云鳳栖李村

缺

因村有宿鳳臺據府志晉太始元年有鳳凰見於此而晉書則祇云郡國鳳凰見未嘗專指高都今宋石幢已有鳳栖等字不知何據

隋慧遠法師遺跡記碑在藏陰寺後書寶歷元年夏四月
傳學沙門紫羽刻石記稱慧遠爲澤州霍秀里人俗本
燉煌李氏子故居尙存與晉慧遠同名相距四百餘年
另爲一人周武帝欲廢寺塔抗辭折服大隋文帝命公
叅校經義卒深悼惜之考太和釋紫羽碑以慧爲惠與
此不同其云寶歷元年則敬宗乙巳也

唐硤石山石壁詩刻稱唐天祐丙子歲六月十四日離府
至中旬巡祀到此登陟硤石山偶上先師擲筆臺眺觀
景象乃詩上謁宏農郡君夫人述七言古詩四韻見雜

鳳臺縣志

卷之十九

輯錄

三七

記按天祐丙子晉稱天祐十一年是年李嗣昭立鐘開
元寺以七月十三日宏農郡君夫人遊硤石山則六月
十四日也考唐制有郡君夫人公侯伯子夫人制同一
二三四品似屬嗣昭夫人楊氏但嗣昭封隴西郡公未
封宏農或因宏農華陰以楊氏族望爲稱也又考楊氏
善蓄財嗣昭被梁兵圍夾城彌年楊氏多助其軍用子
繼韜叛後入京楊齎銀數十萬以賂釋其罪後與子繼
忠家晉陽餘貲猶鉅萬晉高祖起義貸其殖以賂契丹
後以繼忠爲刺史楊氏平生積產嗣昭三世皆賴今復

見其石刻筆跡真奇婦人也

宋郡守王元等遊福巖院題名記紹聖丙子十月二十八日次年丁丑又有觀琵琶法題名此記同遊者有判官鞏瑗晉城令耿敏司理李祐前隰州司理張閔州學正陳珣與後遊姓名不同考紹聖丙子哲宗三年丁丑則四年也丁丑後遊別有考不重載

北魏古佛龕磨崖記在青蓮寺後偏乳竇處記稱此古佛一龕先無年號缺一藏禪師缺一記云武定元年歲次

癸亥修畢至唐天復元年十二月十七日因鑄新像重

鳳臺縣志

卷之十九

輯錄

三

書古記考武定癸亥東魏建元而天復元年則唐昭宗辛酉後一年復改天祐

宋晉城題名記程明道顯撰在明道祠中前郡守朱樟按公文集刻石其歷任姓名無可稽

元郝文忠經二程先生祠堂記在明道祠亦樟查文忠郝摹勒上石非元時碑也

宋石塔幢記記稱尚謙法師俗姓缺住錫茲山設座開講不可殫述後云慶歷七年丁亥考係仁宗七年又二年改元皇祐

唐慧峯和尚塔記在峽石山西南山坡上記稱唐故先師和尚汝州襄城縣人俗姓賀蘭氏法號慧峯於中和壬申歲八月二十八日遷化去乾寧乙卯年建造靈塔十月功畢故記中書多心經後書僧徒宗派字甚蒼古考中和戊申爲僖宗八年而乾寧乙卯係昭宗五年據唐碑記北齊曇始法師而後有周惠遠入隋掌校譯經唐時高僧繼起如智峯惠愔等胥傳宗法別見唐寶歷太和碑

金禮部二牒一爲巴公普照寺一爲西四義普覺寺俱大

鳳臺縣志

卷之十九

輯錄

三九

定三年十二月十五日勅賜格式與宋牒相似而官階稍異後細書令史向昇主事安押大書朝議大夫太常丞權員外郎劉押中憲大夫行員外郎李押郎中侍郎大篆書正奉禮部尚書翰林承旨知制誥修國史王前二行細書某僧某寺舊無名額已納訖錢數乞立院名勘合屬實須至勘合者考宋時凡天下山川名勝寺觀等奉勅行查給賜牒額或州縣代爲陳請求給勘合至金則納錢百貫方准給牒較宋爲濫矣

元鶴鳴堂記金進士義豐楊果撰稱段澤州正卿直今之

賢諸侯也師事李用章先生以鶴鳴名其堂鶴鳴先生所自號用章其字也中以鶴鳴喻俊民文品之高後紀歲次辛亥十月中澣日考辛亥爲蒙古憲宗蒙哥元年未改元故年號不書

元令旨五道石刻在學宮蓋世祖忽必烈藩邸示李俊民令旨也第一道遣澗澗子清馳驛召李狀元思欲一見惟不以老爲辭必無留滯卽許遣歸癸丑年五月日第一二道特加號莊靖先生癸丑年七月十二日辭歸又受令旨莊靖先生求歸念切尙推舊學善誘諸生仍以姪

孫仲修爲後仰懷孟州官劉海澤州官段直以時奉贍無忘敬禮准此又甲寅年五月二十七日奉御董文用齋奉到令旨示狀元李俊民年前秋會盤六軍衆倉未及進議近得啟言甚便今欲復召恐年老艱行外據軍國重事暨有可舉人材更當以聞准此又甲寅年七月二十日宣差周惠德復齋到令旨澤州莊靖先生呈本州見有進修學業劉璋張賢張大椿申天祐等乞勸獎事准呈仰澤州長官段直鎮撫申甫等常切提學仍省諭諸生恭勤進修遵依教命無得慢易准此後列參議

劉巨川男學錄汝楫立石學政劉夢澤學諭吳輝提舉
縣令張德顯提舉司官賈鳳儀提舉興修學校馮裕劉
興張山同提舉學校趙庚申甫澤州長官提舉學校段
紹隆考癸丑憲宗蒙哥寶祐元年甲寅二年又六年庚
申爲世祖忽必烈中統元年先是職官未備皆係承制
劄授學職繁多至中統二年置諸路學校官省置正副
提舉二人路設教授學正學錄各一員散府上中州設
教授一員下州設學正一員縣設教諭一員始有定制
令旨內有仍以姪孫仲修爲後或因俊民子楊已死無
子故也所呈諸生申天祐四人天祐申甫之子仕終廣
濟丞餘不可考

鳳臺縣志

卷之十九 輯錄

四一

宋石幢在旌忠廟西偏書尊勝陀羅尼經稱太宗天禧四
年歲次庚申三月壬子朔九日庚申建立碑堂左右
僧慶讚願皇帝萬歲宮慶民安後列邑人
文進書考眞宗四年庚申明年改元乾興又旌忠廟立
徽宗宣和間而眞宗天禧時已云建立碑疑爲古寺所
改其云錄事衛文進者蓋邑人官錄事參軍也其官治

無考

元文昌行祠記在天慶觀至正二十七年參議中書省事
河東張衍撰書記稱澤居大河之東靈風未協州守孝
敬思戶部司計成憲共襄盛舉參議張衍戶部司計元
史俱無名而計爲澤人考至正丁未擴廓帖木兒與關
保貊高自相攻擊明年由澤州退守晉寧保守澤潞二
州擒殺二將置國事於不問遂致順帝北遜此何等時
而乃建祠崇文亦少見事也

宋中書省牒在大陽永建寺具呈累代修崇未諧名額蒙
中書門下牒資聖寺澤州晉城縣古永建寺牒奉勅宜

鳳臺縣志

卷之十九

輯錄

四三

賜資聖寺爲額牒至准勅故牒天禧四年正月日牒禮
部侍郎叅知政事李押右僕射兼中書侍郎平章事押
左僕射兼中書侍郎平章事押考真宗天禧四年庚申
牒所云叅知政事李者李迪左僕射爲王欽若右僕射
爲向敏中平章獨不書姓與國初異

元烏政管神廟記絳州儒學教授劉德盛撰陽城教諭賀
宗儒書丹似趙承旨而文甚鄙俚至大二年庚戌孟秋
吉日按邑分四管領各鄉村據唐碑記邑有渠澣等管
名目其從來已久矣

金碧落寺創修溪堂記記中辨磨崖碑甚詳以陳惟玉書
爲僞斷爲黃公譔自書取宋胡况之說也後云明昌五
年閏十月三十日許安仁記書記稱永淳二年太尉韓
王元嘉諸子訓誼譔譔爲其妣妃祈福妃房氏喬松之
女也考新舊唐書高宗永淳壬午祇一年二年癸未卽
改宏道十二月崩至次年甲申武后得政自以光宅改
元加元嘉太尉徙定州并非二年卽官太尉又考妃爲
遺愛之姊遺愛於高宗永徽四年以謀逆伏誅妃幾連
坐以元嘉之賢獲免是時后立法嚴峻意在剪除宗室

鳳臺縣志

卷之十九

輯錄

四

韓王諸子恐未敢於澤州顯爲妣妃祈福且澤州立碑
距絳州碑十年黃國公譔早守通州至武后垂拱二年
始移疾歸應越王起兵碑之刻非譔書無疑據元嘉本
傳王至孝在潞州聞太妃疾卽涕泣不食及居喪京師
哀毀骨立或此碑爲宇文太妃祈冥福也內更有魏孝
昌武后萬歲通天二石刻別有考

宋尚書省旌忠廟牒宣和四年勅賜金明昌五年許安仁
摹勒於石牒云禮部狀承勅吏部尚書王孝廸劄子奉
云請進止牒奉勅特封忠烈侯牒至准勅故牒宣和四

年五月日牒大中大夫守右丞李押大中大夫守左丞
王押少傅太宰押考牒中右丞李者李邦彥左丞王者
王安中少傅太宰而不書姓者王黼也其時奸臣擅權
蔡京之後繼以王黼悞國亂政元氣剝削已盡而牒文
亦非國初體制可以觀世變矣

元龍神感應碑在五龍廟至正二十三年鄉貢進士劉貫
撰前州同知楊子宜書篆記中叙二十二年太守杜九
思等於五月禱雨十月祈晴其應如響至正二十三年
總戎太尉中書平章復以朱君文明來守是州考至正

鳳臺縣志

卷之十九

輯錄

四

二十二年爲壬寅十二月庚申以擴廓帖木兒平山東
功詔授太尉中書平章政事便宜行事遂於二十三年
癸卯自行用其私人署置官吏不復請命於朝擴廓固
有功而飛揚跋扈之勢已成尾大不掉記不敢斥言蓋
微辭也

宋知軍州陳仲濡祭裴忠烈石刻在旌忠廟文剴切激壯
後有許安仁詩云都師求書陳君祭文於石因取近所
作過旌忠廟詩並書以遺邦人歲時歌以祀侯庶克見
烈大夫之彷彿也明昌五年九月三十日河間許安仁

書內稱郭師則道士郭景紹也

宋熙寧府城玉皇廟碑陰題名後列縣十三社今猶古名
府城有大理寺丞孫劉宗嗣內曲社義勇第二指揮司
宣押司官司清焦家社鄉貢進士胡知柔漳東南社鄉
貢進士劉發義勇第二副指揮使韓坦考義勇為十餘
營之一押司又指揮十將之一也黃頭去水北咫尺有
副指揮韓坦下多韓氏名韓營即義勇營也水北劉宗
嗣漳東南劉紀俱書大理寺丞孫必其祖曾居是官借
此為榮然不可考矣

鳳臺縣志

卷之十九

輯錄

四

北魏彌勒寺石壁記脫落數字前列維大缺三字二年歲次

景午二月朔十八日釋元素缺三字男阿難妻缺一字男山

僧等比問良師與父母宜所眷念乞石像始得長壽山
僧等前身薄福今日以後望得長命更莫遣鬼神相侵

長郎仰金剛密缺一字護持山僧令使長命保元年百歲

文義似為子祈壽語考唐中宗神龍二年景午字形不
似隋開皇六年景午年又不符惟北史魏孝昌二年景
午與記合又考北魏成帝和平初僧曇耀請鑿壁為窟
雕刻佛像五處一時郡縣效尤據此則彌勒像自北魏

已有之不始於韓王元嘉或者元嘉重加修葺磨崖爲碑歟

唐武后時彌勒寺石壁記前列大周萬歲通天二年八月缺秋日壬申佛弟子缺二慶缺二以來不宜自養宜乞佛家合養送缺一佛若有鬼神侵欺付十八地獄今送以後供養一百二十歲考萬歲通天祇一年記云二年者后以延載元年九月改元至明年三月復改元神功合爲二年至八月秋日尚稱通天與史兩岐其中天地年月日時數目等字皆從后所制

鳳臺縣志

卷之十九

輯錄

四六

隋石佛記碑分四面三面列字一面刻佛像如魏齊製網注施主姓名於邊楞序文多不可辯後書清信士趙缺字仰爲皇帝敬造龍幢缺六四年俱入薩缺六開皇五年月日考開皇四年甲辰五年爲乙巳文義蓋爲文帝祈福而作

唐石幢二在東四義一爲聖臨菴幢斷爲二年代剝落上鑄諸佛像甚古列施主佛弟子男婦姓名有上柱國西經畧軍下羽林飛騎下騎尉下考羽林軍漢武置羽林至唐貞觀間置左右屯營其名曰飛騎別有驍騎等尉

又考唐因隋制有上柱國銜如高士廉秦叔寶等貞觀
二年邊州置經畧使至宋祇傳經畧二人不常置且無
飛騎名其爲唐石幢無疑明碑記云唐大中或宣宗年
也一在清震觀前書佛頂尊勝陀羅尼經幢并序佛陀
波利取經回至西京以永淳二年與杜顛譚譯稍有異
同至垂拱元年於神都魏國東寺晤三藏法師取舊譚
梵本勘校逮永昌元年於大敬愛寺見西明寺上座澄
法師將此經具錄以傳來悟後書天寶元年歲次壬午
九月癸卯朔九日辛亥高平郡晉城縣晉陽鄉四
字

鳳臺縣志

卷之十九

輯錄

四七

東村小邑象造此經幢考高宗永淳二年爲癸未垂拱
二年乙酉永昌元年己丑皆武后年也據天寶元年稱
高平郡晉城縣與唐書合府志作二年誤

金青蓮寺詩刻五言古詩字俱佳後書和安居士宋雄飛
翔霄拉主教僧智秀定珍同方外遊崇慶改元中澣月
細注莫秋考雄飛通判郡事與龍泉碑皆書崇慶改元
考金史本紀衛紹王崇寧祇一年慶訛作寧當時虎賊
弑逆宣宗不能致討舉朝以大安崇慶爲諱故史有誤

也

元鄭宣慰記功碑在周村西門外後列鄉貢進士河南
敏撰縣尹郝霖書前御史閻仲榮篆記稱辛卯寇起類
蔡延流江漢河澣蓋順帝十一月韓山童等亂汝穎時
也考元史辛亥五月潁州妖人劉福通迎韓山童爲主
以白蓮聚衆爲亂縣官捕擒山童其妻楊氏子林兒逃
之武安六月劉福通據朱臯攻破羅山確山真陽復迎
林兒爲主犯武陽葉縣等處上命同知樞密院赤禿以
兵討之久而無功八月陷汝寧府及息州光州至十五
年遂僭僞號碑所記鄭宣慰擒獲二百餘人其蔓延寇

鳳臺縣志

卷之十九

輯錄

四

掠者尙數十萬鄭濤豐碑紀功殊夸張失實

宋太平興國二牒石刻一在松嶺寺牒額法輪一在自蓮
寺牒額福巖前俱列中書門下澤州奏准行所管存留
有無名額僧尼寺院共三十二所靈巖院宜賜法輪青
蓮寺宜賜福巖爲額勅命指揮書勒懸掛准勅故牒太
平興國三年五月二十日牒中書門下平章事右僕射
兼門下侍郎平章事右僕射兼門下侍郎平章事錄事
參軍胡推官王大理寺丞權知軍州事韋刺史齋按牒
文與真宗景德時稍異州官不傳其名中書門下官亦

不書姓與花押或宋初體制使然考太平興國三年太宗戊寅所謂中書平章者盧名遜右僕射爲沈倫左僕射則薛居正也

宋淨影寺山場藍田縣知縣黃燦撰勅令所官王之道書崇寧四年乙酉三月一日青蓮寺僧鑒巒赴淨影開座說法畢因訪曇法師遺跡清查山場立石考崇寧乙酉爲徽宗四年記稱開皇七年曇馥法師所建立又考七年係隋文帝丁未所云曇馥是否曇始抑或另爲一人至說法時稽查山田縈心俗務不能了悟已見一斑

鳳臺縣志

卷之十九

輯錄

見

宋石經幢記在松嶺寺記稱師法諱惠能俗姓王本貫缺州人皇祐三年六月詣松嶺山法輪院拜主僧缺爲

師至熙寧二年落髮爲僧得授真戒杖錫南遊買置經業紹聖四年特命工取石置佛頂尊勝陀羅尼幢請賢士悟真直書貞記時大宋紹聖五年四月日後列師姪門人俗兄等名考皇祐三年仁宗辛卯熙寧三年神宗庚戌紹聖四五年則丁丑戊寅也自皇祐辛卯至紹聖戊寅計四十五年

金青蓮寺詩刻七絕郡守許安仁句後跋云與進士王瑜

陳子範張天祐卜世長段坦之李師尹吳芝之僧洪源同宿福巖院翌日登佛閣望左右諸山旣而涉丹水之南回顧殿閣在青巉間仍請天祐洪源鼓琴行酒爲方外樂寶寂付弟寶定刻石明昌乙卯歲四月九日其西院又有詩刻安仁七律二僧寶寂刻石後跋稱寂書生祝髮學瞿曇一瓶一鉢尤喜爲詩所謂獨有這個在也明昌五年八月二日五年爲甲寅六年則乙卯也

金青蓮寺詩刻七律泰和丙寅三月上澣日華山晦叟楊廷秀茂才同來者倅車完顏永協和卿晉城丞馬國基

鳳臺縣志

卷之十九

輯錄

五

仲賢司獄夾谷裕仲寬東林母彥倫俊卿邑人男謙葦侍行考泰和丙寅章宗六年也

後梁青蓮寺牒准土地記前書澤州牒准硤石山青蓮寺僧依元大師署狀立本寺常住土地記中列地畝坐落界址後書開平二年九月三日李典爲缺一字牒元符二

年閏九月日王僧重立石蓋牒准於梁太祖開平二年戊辰石刻於宋哲宗元符二年己卯也考梁太祖二年戊辰晉稱天祐五年二月梁主入澤州以攻潞五月爲李存最所敗梁將康懷英以百騎遁歸是時晉攻梁澤

州與徐懷玉戰於隧中不能克至本二年九年牒勅峽石山則天祐六年澤尚屬梁五代史云晉取澤州年月莫考據天祐十一年開元鐘記及楊郡君詩刻晉有澤州當在八九年間

唐磨崖碑韓王元嘉子為其妣妃祈福而作前代燬於火旁有小篆七字不傳其名下刻隸書五言古四言讚姓已剝落名尚可辯現在一百二十字如聖善妣妃及詹雖不敏輒敢命筆紀奇貞孝中列詩詞後有男鄉貢進

士中輔奉父嚴缺三字謹題并讚考磨崖碑有宋敏求隸

鳳臺縣志 卷之十九 輯錄

書作釋文府志云舊在郡署今已片石無存此隸書係遵父命所作而年月莫考詹與中輔姓氏不可知小篆書法似金元人作

浩村西有石佛嶺雕石佛像數十磨崖為記字多剝落其文有日月麗天江河帶地魏帝永平鄉飲淳風等八十餘字考永平為魏宣帝改元紀年後有天祐十九年二月記記中多載楚語考十九年癸未記鑄於二月至四月莊宗稱皇帝改國號為唐又有宋端拱二年記字亦漫滅

潘村崇壽寺有北魏碑三四面背皆石佛像字不可辨
石幢二書佛頂尊經皆開元天寶聖文神武應道皇帝
比開元寺石幢致爲詳明

鳳臺縣志卷之十九終

鳳臺縣志

卷之十九

輯錄

五三